

Wien, Österreichische Nationalbibliothek (ÖNB), Cod. 11738

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2421

A S C E T I C I

2422

eiudem libri ad exemplaria scripta.
 Non enim desunt ejusmodi, si *Ouidium* T. III. col. 158. et *Quetifum Scriptt. Ord. Praed.* T. I. p. 177. consulas, ubi et editiones subsequae memorantur. Harum tandem ultima procurata *Duaci* 1625. 4. nomen Autoris praefert *Richardi à S. Laurentio canonici, Archidiaconi et Poenitentiarii Ecclesiae Rothomagensis*, qui circa medium Seculi XIII. vixit et scripsit, cuique opus hoc magno consensu Literatores tribuunt. Quare falsus est *Petrus Jammyus* inferendo illud T. XX. opp. *Alberti M. Lugd.* 1651. f. cuius si caussa agenda foret, dicerem, ad manum illi forte fuisse Editionem illam *Mentelianae similem supracitatam*, in qua operi *Alberti M. Super Missus est opus Richardi continuo cohaeret.* Centerum curas de eo nostras, ut solet, jam praevertit *Lambecius L.* II. p. 776. edit. *Kollar. col. 579.*

DCXXXV.

⁸³² Codex chartaceus lat. in confino Sec. XV. et XVI. currente calamo exaratus, Folior. 198. 8. continet: I. *Apologeticum. i. tractatum responsum Magistri Alani de Rupe ordinis fratrum predicatorum de Psalterio beate marie virginis Ad venerabilem Patrem Dominum Fridericum de cluniaco episcopum tornacensem.* Intentissimus cultui B. V. per Rosarium in Belgio promovendo *Alanus de la Roche f. de Rupe Gallus Aremoricus interpellatus fuisse videtur ab Episcopo obmotis Quaestionibus.*

Denis Codd. Theol. V. I. P. II.

Ad has igitur respondet hoc initio: *Laudate sic dominum ibesum christum et mariam cum omnibus veris fidelibus ut tandem sine fine cum angelicis spiritibus &c.* Scriptum istud XXIV. *Titulis* definitur, quorum I. Quare (Rosarium) dicatur *Psalterium.* Singulare illud, quod in fronte cujusvis *Tituli* Autor adfatur Episcopum mire variata phraesi. Ita: *Famosissime in christo pater et domine. Excellentissime presul. Reuerende in christo pater et reorum refugium et similia. Fridericus* hic sedem adiit 22. *Mart.* 1474. et *Alanus* 8. *Sept.* 1475. mortuus est. Hinc scriptioris tempus liquet. Ut hic in Codice habetur, *Apologeticus* nunquam lucem vidit; nam *Job. Andr. Coppensteinius*, qui *Alani opera Friburgi* 1619. edidit, magna in refingendo stilo libertate usus est, ut queritur *Echardus in Scriptt. ord. Praed.* T. I. p. 850. quem, si volles, de *Alano* consules. Finis in Codice est: *qui est benedictus animarum sponsus regnans in secula seculorum Amen.*

II. fol. 46. *De Decem Bonis que proveniunt homini existenti in hac Fraternitate rosarij.* Opusculum istud ad praecedens non pertinere, argumento est praecedentis Subscriptio: *Explicit Apologeticus magistri Alani de rupe.* Sed neque in *Coppensteinii Collectione* existit, neque ab *Echardo inter Alani Scripta* memoratur. Capitibus constat XVI. quorum I. de decem Bonis praedictis. II. de septem que indicant excellentiam huius fraternitatis. III. quare fraternitas

H h h h

bec

Wien, Österreichische Nationalbibliothek (ÖNB), Cod. 11738

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2423

C O D I C E S

2424

bec appellatur de rosario. IV. quomodo proprietates rose materialis Virgini marie convenient &c. Quae ad plenam pii hujus Instituti cognitionem faciunt. Initium est: Aduertendum quod decem et maxime necessaria bona proueniunt bimini &c. Et finis: iter para tutum, ut videntes ihesum semper colletemur Amen. Fortasse la Confrarie du Psautier de notre Dame, cuius meminit Echardus l. cit. Opusculi nostri Versio sit.

III. fol. 91. *Incipit consolatorium timorate conscientie fratris Johannis Nider ordinis predictorum sacre theologie professoris. Tres Partes habet utilis hic Tractatus, qui in Capita abeunt. C. I. inscribitur et incipit: Quot modis accipiatur conscientia. Primo igitur animadvertisendum quod conscientia uno modo sumitur pro re conscientia &c. Adjacet mihi nitidissima Editio Ulrici Gering Parisiis 1478. 8. maj. jam Signaturis instrueta, et Cod. nostro vetustior, quae docet, huic et Prooemium et Tabulam dedit. Habetur tamen utrobique ingenua illa, qua semper captus sum, sub finem Autoris Confessio: Tantum de consolatione timorate conscientie dixisse sufficiat. A cuiusmodi compilatione si quisunque, quod suum est, recipere velit, nihil aut modicum auctori manebit. Memini ejus Cod. DCLXXII. et saepius. In Scriptt. Ord. celebratur T. I. p. 792. II. 822. Editionibus Consolatorii ibidem citatis addidi tres alias in meo Maitairii Supplm.*

DCXXXVI.

Codex membraneus lat. Sec. 3¹⁹ XIV. Folior. 135. f. sat probe scriptus, titulis et Summariis marginum miniatis decoratus, olimque ad Coenobium Scotorum O. S. B. Viennense pertinens continet sequentia: I. In christi nomine Incipit liber magistri Hugonis de Claustralibus. Adjecit manus recentior: Pars prima. Quod si adeas Hugonis Victorini Opera Rotomagi 1648. impressa, T. II. p. 60. invenies Partem hanc inscriptam esse Librum Secundum de Claustral Animae. Prologi initium est: Locuturus carissime de his que ad edificationem claustrorum materialis pertinent &c. operis ipsius in Capita distributi: Quoniam de ordinatione claustrorum materialis &c. Fol. 21. Explicit prima pars. Incipit secunda. Haec in Editis est Tertius Liber de Claustro Animae, cuius Prologus infit: Nostri carissime quod ea que de ordinatione claustrorum materialis &c. opus ipsum: Anime Claustrum contemplatio dicitur &c. Atque haec Pars in C. IX. dimidio iis verbis: tolle grabatum tuum et ambula, deficit. Abest itaque a Codice non tantum C. X. de Oratorio Animae, sed omnia illa Capita subsequae de Templo Salomonis, quae perperam adsuta fuisse alioquidabit oculatus quisque. Neque aliter de iis, quae subjungam, judicabit. Sequitur nempe fol. 30. in Cod. Pars quaedam a manu recentiore Tercia dicta, in Capita divisa, quorum titulos adscribam: Quod hypocrita in congregatione fru-

et u